

『三國志集解』補(二)

今鷹真

文帝紀第二

○裴注引魏略：是時有高元呂者，善相人。乃呼問之。對曰，其貴乃不可言。(集86下、標57)

漢書高紀。老父曰，君相貴不可言。

○裴注引袁宏漢紀載漢帝詔：天不憚遺一老，永保余一人。(集86下、標57)

詩小雅十月之交。不憚遺一老，俾守我王。鄭箋云，憚者心不欲自疆之辭也。釋文云，憚，魚覲反。

○單颺曰，天事恆象，此其應也。(集87下、標58)

周語上。夫天事恆象。韋昭云，恆，常也。事善象吉，事惡象凶。

○裴注引魏書：丙戌，令史官奏修重黎羲和之職，欽若昊天，歷象日月星辰以奉天時。(集88上、標58)

書堯典。乃命羲和，欽若昊天，厯象日月星辰，敬授人時。孔傳

云，重黎之後，羲氏和氏，世掌天地四時之官，故堯命之，使敬順

昊天。昊天，言元氣廣大。星，四方中星。辰，日月所會。厯象其

分節，敬記天時以授人也。

○裴注引魏略：廣開四聰。(集89下、標60)

書舜典。明四目，達四聰。孔傳云，廣視聽於四方，使天下無壅塞。

○又：故聖人曰，得百姓之歡心。(集89下、標60)

孝經孝治章孔子之言。

○又：兵書曰，戰，危事也。(集89下、標60)

漢書鼂錯傳。錯上言兵事曰，兵，凶器，戰，危事也。

○又：愚謂大王且當委重本朝而守其雌。(集89下、標60)

老子第二十八章。知其雄，守其雌，為天下谿。

○又：臣謂此危危于累卵。(集89下、標60)

史記范雎傳。秦王之國，危於累卵。

○又：昔夏啓隱神三年，易有不遠而復，論有不憚改。(集89下、標60)

夏啓隱神三年，未詳。或者殷太甲之誤乎。

易復卦初九。不遠復。

論語學而。過則勿憚改。

又：竊感所誦，危而不持。(集89下、標60)

論語季氏。危而不持。

裴注引管子(集89下、標60)

桓公問篇。

裴注引魏書：先王皆樂其所生、禮不忘其本。（集91上、標61）

禮記檀弓上。君子曰、樂樂其所自生、禮不忘其本。

○裴注引孫盛曰：故曰、三年之喪、自天子達庶人。（集91上、標61）

禮記王制之文。

○又：故在三之義悼。（集91上、標61）

晉語一。民生於三、事之如一。父生之、師教之、君食之。非父不生、非食不長、非教不知、生之族也、故壹事之、唯其所在、則致

死焉。韋昭云、三、君父師也。

○裴注引袁宏漢紀載漢帝詔：夫大道之不行、天下爲公、選賢與能、故唐堯不私於厥子、而名播於無窮。（集92上、標62）

禮記禮運：大道之行也、天下爲公、選賢與能、講信修睦、故人不獨親其親、不獨子其子。鄭注云、公猶共也。

○漢帝讓位冊曰、於戲、天之厯數在爾躬、允執其中、天祿永終。（集92下、標62）

論語堯曰。堯曰、咨爾舜、天之厯數在爾躬、允執其中、四海困窮、天祿永終。

○裴注引獻帝傳載禪代衆事：左中郎將李伏表魏王曰、有命自天、昭然著見。（集93上、標63）

詩大雅大明。有命自天、命此文王。

又：實乾坤挺慶、萬國作孚。（集93上、標63）

詩大雅文王。儀刑文王、萬邦作孚。禮記緇衣引作萬國作孚。毛傳

云、孚、信也。

又：以揚休命、始終允臧。（集93上、標63）

詩庸風定之方中。終然允臧。毛傳云、允、信。臧、善也。

又：魏王侍中劉廙等言曰、皇極不建。（集93上、標63）

書洪範。次五曰建用皇極。孔傳云、皇、大。極、中也。凡立事、當用大中之道。

又：辛亥太史丞許芝條魏代漢見讖緯于魏王曰、又曰、初六、履霜、陰始凝也。（集93下、標63）

易坤卦初六。象曰、履霜堅冰、陰始凝也。

又：廣被四表、格于上下。（集94下、標64）

書堯典。光被四表、格于上下。又：王命曰、昔周文三分天下有其二、以服事殷、仲尼歎其至德。（集95上、標65）

論語泰伯。三分天下有其二、以服事殷、周之德、其可謂至德也已矣。

○又：公且履天子之籍、聽天下之斷、終然復子明辟、書美其人。（集95上、標65）

淮南子汜論訓。周公繼文王之業、履天子之籍、聽天下之政。高誘云、籍、圖也。政、治也。

書洛誥。周公拜手稽首曰、朕復子明辟。孔傳云、周公盡禮致敬、言我復還明君之政於子。

○又：吾雖德不及二聖、敢忘高山景行之義哉。（集95上、標65）

詩小雅車牽：高山仰止、景行行止。

○又：當之戰惶、五色無主(集95上、標65)

淮南子精神訓。舟中之人、五色無主。

○又：侍中辛毗等奏曰、且易曰、觀乎天文、以察時變、觀乎人文、以化成天下。(集95下、標65)

賁卦象傳之言。

○又：又曰、天垂象、見吉凶、聖人則之。河出圖、洛出書、聖人效之。(集95下、標65)

繫辭傳上。則作象、效作則。

○又：癸丑、督軍御史中丞司馬懿等言、故孔子曰、鳳鳥不至、河不出圖、吾已矣夫。(集96上、標66)

論語子罕之文。

○又：非一朝一夕、其所由來久矣。(集96上、標66)

易坤卦文言。非一朝一夕之故、其所由來者漸矣。

○又：夫大人者、先天而天弗違、後天而奉天時。(集96上、標66)

易乾卦文言之辭。

○又：令曰、故曰、不患無位、患所以立。(集96上、標66·67)

論語里仁之辭。

○又：夫石可破而不可奪堅、丹可磨而不可奪赤。(集96上、標67)

呂氏春秋季冬紀誠廉之辭。

○又：故曰、三軍可奪帥、匹夫不可奪志。(集96下、標67)

論語子罕之辭。

○又：乙卯、册詔魏王禪代天下曰、三代卜年、著于春秋。(集96下、

標67)

其事見左傳宣公三年。

○又：昔虞舜有大功二十、而放勳禪以天下。(集97上、標67)  
左傳文公十八年。舜有大功二十而為天子。杜注云、舉十六相去四凶也。

○又：尙書令等又奏曰、畏天之威、不敢怠違。(集97上、標68)

詩周頌我將。我其夙夜、畏天之威、于時保之。

詩商頌殷武。不僭不濫、不敢怠違。

○又：既發璽書、王令曰、求仁得仁、仁豈在遠。(集97下、98上、標68)

論語述而。求仁而得仁、又何怨。

又。仁遠乎哉、我欲仁、斯仁至矣。

○又：義有蹈東海而逝。(集98上、標68)

史記魯仲連傳。有蹈東海而死耳。

○又：輔國將軍清苑侯劉若等百二十人上書曰、石戶北人、匹夫狂狷、行不合義、事不經見者、是以史遷謂之不然。(集98上、標68)

史記伯夷傳。夫學者載籍極博、猶考信於六藝。

○又：故傳曰、舜陟帝位、若固有之。(集98上、標68)

孟子盡心下。舜及其為天子也、被袵衣、鼓琴、二女果、若固有之。

○又：王令曰、故烈士徇榮名、義夫高貞介、雖蔬食瓢飲、樂在其中。

賈誼鵬鳥賦。貪夫殉財兮烈士殉名。又伯夷傳。

論語雍也。子曰、賢哉回也、一簞食、一瓢飲、在陋巷、人不堪其

憂、回也不改其樂、賢哉回也。

又述而。子曰：飯疏食飲水、曲肱而枕之、樂亦在其中矣。

○又：諸卿遊于形骸之內、而孤求爲形骸之外。（集98上、標68）

莊子德充符。今子與我遊於形骸之內、而子索我於形骸之外。

○又：輔國將軍等一百二十人又奏曰、故孔子曰、周公其爲不聖乎、以天下讓、是天地日月輕去萬物也。（集98上、標69）

尸子卷下（汪繼培輯本）。昔周公反政、孔子非之曰、周公其不聖乎、以天下讓、不爲兆人也。許芝奏亦云、周公反政、尸子以爲孔子非、以爲周公不聖、不爲兆民也。（集95上、集65）

○又：有虞儀鳳、成周躍魚。（集98上、標69）

書益稷。簫韶九成、鳳皇來儀。

史記周本紀。武王渡、中流白魚躍入王舟中。

○又：臣等聞事君有獻可替否之道、奉上有逆鱗固爭之義。（集98下、標69）

左傳昭公二十年。君所謂可、而有否焉、臣獻其否、以成其可。君所謂否、而有可焉、臣獻其可、以去其否。

後漢書胡廣傳。胡廣上書曰、臣以獻可替否爲忠。

逆鱗、見韓非子說難。

又：令曰、耳未聞康哉之歌、目未觀擊壤之戲。（集98下、標69）

書益稷。乃賡載歌曰、元首明哉、股肱良哉、庶事康哉。

禮記經解引尚書傳。民擊壤而歌、鑿井而飲、耕田而食、帝力何有。

羣書治要卷十一史記五帝紀注引帝王紀。帝堯置欲諫之鼓、命羲和

四子羲仲羲叔和仲和叔、分掌四時方嶽之職、故名徵、天下大和、百姓無事、有五老人、擊壤於道、觀者歎曰、大哉堯之德也、老人曰、日出而作、日入而息、鑿井而飲、耕田而食、帝力何有於我哉。

○又：夜未曜景星、治未通真人。（集98下、標69）

史記天官書。天精而見景星、景星者德星也、其狀無常、常出於有道之國。

文子守樸。老子曰、所謂真人者性合乎道也。

又：河未出龍馬、山未出象車。（集98下、標69）

禮記禮運。山出器車、河出馬圖。鄭注云、馬圖、龍馬負圖而出也。

疏云、按中候握河紀、堯時受河圖、龍銜赤文綠色、注云龍而形象馬、故云馬圖、是龍馬負圖而出。又云、伏羲氏有天下、龍馬負圖、出於河、遂法之、畫八卦。

宋書符瑞志下。象車者、山之精也、王者德澤流洽四境則出。

○又：萸莢未植階庭、萑莆未生庖廚。（集98下、標69）

白虎通封禪。日歷得其分度、則萸莢生於階間、萸莢者、樹名也、月一日一莢生、十五日畢、至十六日一莢去、故夾階而生、以明日

月也。

又。孝道至、則萑莆生庖廚、萑莆者、樹名也、其葉大於門扇、不

搖自扇、於飲食清涼、助供養也。

○又：王母未獻白環、渠搜未見珍裘。（集98下、標69）

竹書紀年。帝舜九年、西王母來朝。沈約附註云、西王母之來朝、

獻白環玉玦。

書禹貢。織皮、毘輪析支渠搜西戎即斂。孔傳云、織皮、毛布、有此四國。

○又：令曰、泰伯三以天下讓、人無得而稱焉、仲尼歎其至德。(集98下、標70)

論語泰伯。子曰、泰伯其可謂至德也已矣、三以天下讓、民無得而稱焉。

○又：庚申魏王上書曰、精爽散越。(集99上、標70)

左傳昭公二十五年。心之精爽、是謂魂魄、魂魄去之、何以能久。

○又：且聞堯禪重華、舉其克諧之德。(集99上、標70)

書堯典。帝曰、咨四岳、朕在位七十載、汝能庸命、巽朕位。岳

曰、否德、忝帝位、曰、明明揚側陋。師錫帝曰、有齔在下、曰虞

舜。帝曰、兪、予聞、如何。岳曰、瞽子、父頑、母驕、象傲、克

諧以孝、烝烝乂、不格姦。

○又：舜授文明、采其齊聖之美。(集99上、標70)

左傳文公二年。子雖齊聖、不先不食、久矣。故禹不先辭。

○猶下咨四嶽、上觀璿璣。(集99上、標70)

咨四嶽、見上。孔傳云、四岳即羲和之四子、分掌四岳之諸侯、故

稱焉。

書舜典。正月上日、受終于文祖、在璿璣玉衡、以齊七政。孔傳云、

在、察也。璿、美玉。璣、衡、王者正天文之器、可運轉者。七政、

日月五星各異政。舜察天文、齊七政、以審己當天心與否。

○又：辛酉、給事中博士蘇林董巴上表曰、天有十二次以爲分野、王公

之國、各有所屬、周在鶉火、魏在大梁。(集99上、標70)

周禮春官保章氏。以星土辨九州之地、所封封域、皆有分星、以觀妖祥。鄭注云、大界則曰九州、州中諸國中之封域、於星亦有分焉、

其書亡矣。今其存可言者、十二次之分也。大梁、趙也。鶉火、周也。

○又：周文王受命、歲在鶉火。

毛詩大雅文王序正義引帝王世紀。文王即位四十二年、歲在鶉火、

文王於是更爲受命元年、始稱王矣。史記周本紀正義引帝王世紀

同。

○又：故春秋傳曰、武王伐紂、歲在鶉火、歲之所在、即我有周之分野

也。(集99上、標70)

周語下。昔武王伐殷、歲在鶉火。歲之所在、則我有周之分野。

○又：春秋傳曰、衛、顛頊之虛也。(集99下、標70)

左氏傳昭公十七年梓慎之辭。

○又：令曰、故曰、苟非其人、道不虛行。(集99下、標71)

易繫辭傳下之語。

○又：於是尙書令桓階等奏曰、易曰、其受命如響、無有遠近幽深、遂

知來物、非天下之至蹟、其孰能與於此。(集100上、標71)

易繫辭傳上之文。

○又：甲午、魏王上書曰、天下神器、禪代重事。(集100上、標71)

老子第二十九章。天下神器、不可爲也。

○又：故堯將禪舜、納于大麓、舜之命禹、玄圭告功、烈風不迷、九州

攸平、詢事考言、然後乃命、而猶執謙讓于德不嗣。（集100上、標71）

書舜典。納于大麓、烈風雷雨弗迷、帝曰、格汝舜、詢事考言、乃

言底可績三載、汝陟帝位、舜讓于德弗嗣。孔傳云、麓、錄也。納

舜使大錄萬機之政。陰陽和、風雨時、各以其節、不有迷錯愆伏。

明舜之德合於天。格、來。詢、謀。乃、汝。底、致。陟、升也。

堯呼舜曰、來、汝所謀事、我考汝言、汝言致可以立功三年矣。三

載考績、故命使升帝位、將禪之。辭讓於德不堪、不能嗣成帝位。

書禹貢。禹錫玄圭、告厥成功。孔傳云、玄、天色。禹功盡加於四

海、故堯賜玄圭以彰顯之、言天功成。

○又：侍中劉廙等奏曰、故易稱通天下之志、斷天下之疑。（集100上、

標72）

易繫辭傳上。是故聖人以通天下之志、以定天下之業、以斷天下之

疑。

○又：當亢陽明夷之會。（集100上、標72）

易乾卦上九。亢龍有悔。正義云、上九、亢陽之至、大而極盛、故

曰亢龍、此自然之象、以人事言之、似聖人有龍德、上居天位、久

而亢極、物極則反、故有悔也。

易明夷卦上六。不明晦、初登于天、後入于地。王弼云、處明夷之

極、是至晦者也。本其初也、在乎光照、轉至於晦、遂入于地。

案亢陽明夷謂漢室衰亡也。

○又：相國欽太尉詡御史大夫郎及九卿奏曰、臣等聞易稱聖人奉天時、

論語云、君子畏天命。（集101下、標73）

易乾卦文言。後天而奉天時。

論語季氏。君子有三畏、畏天命。

○又：是以唐之禪虞、命有爾躬。虞之順唐、謂之受終。（集101下、標

73）

論語堯曰。堯曰、咨爾舜、天之曆數在爾躬。

書舜典。正月上日、受終于文祖。

○又：沐雨而櫛風。（集102上、標74）

莊子天下。昔禹之涇洪水。沐甚雨、櫛疾風。

○又：而始有造于華夏。（集102上、標74）

書康誥。用肇造我區夏。

○又：勤恤民隱、視之如傷。（集102上、標74）

周語上。勤恤民隱、而除其害也。韋昭云、恤、憂也。隱、痛也。

左傳哀公元年。國之興也、視民如傷。杜預云、如傷、恐驚動。

孟子離婁下。文王視民如傷。趙岐云、視民如傷者、雍容不動擾也。

○又：皇天則降甘露而臻四靈、后土則挺芝草而吐醴泉、虎豹鹿兔、皆

素其色、雉鳩燕雀、亦白其羽、連理之木、同心之瓜、五采之魚、

珍祥瑞物、雜選於其間、無不畢備。（集102上、標74）

白虎通封禪。德至大則斗極明、日月光、甘露降。德至草木、則朱

草生、木連理。德至鳥獸、則鳳凰翔、鸞鳥舞、麒麟臻、白虎到、

狐九尾、白雉降、白鹿見、白鳥下。德至淵泉、則黃龍見、醴泉涌。

又。醴泉者、義泉也、狀若醴酒、可以養老也。

○又：古人有言、微禹、吾其魚乎。（集102下、標74）

左傳昭公元年。劉子曰、義哉禹功、明德遠矣、微禹、吾其魚乎。

○又：復令曰、昔者大舜飯糗茹草、將終身焉、斯則孤之前志也。及至承堯禪、被袵裘、妻二女、若固有之、斯則順天命也。(集102下、標74)

孟子盡心下。孟子曰、舜之飯糗茹草也、若將終身焉。及其為天子也、被袵衣、鼓琴、二女果、若固有之。趙岐云、糗、飯乾脯也。袵、畫也。果、侍也。

○又：庚午、册詔魏王曰、乃眷北顧。(集103上、標74)  
詩大雅皇矣。乃眷西顧。

○又：於是尚書令桓階等奏曰、是以受命既固、厥德不回。(集103上、標75)  
詩大雅大明。厥德不回、以受方國。毛傳云、回、違也。

○裴注引獻帝傳：皇帝臣丕敢用玄牡昭告于皇皇后帝。(集103下、標75)  
論語堯曰。舜亦以命禹曰、予小子履、敢用玄牡、敢昭告于皇皇后帝。何晏集解云、孔曰、履、殷湯名。此伐桀告天之文、殷家尚白、未變夏禮、故用玄牡。皇、大。皇、君也。大大君帝、謂天帝也。墨子引湯誓、其辭若此。案墨子兼愛下作上天后。

○又：三綱不立、五緯錯行。(集103下、標75)  
白虎通三綱六紀。三綱者、何謂也。謂君臣父子夫婦也。

周禮春官大宗伯正義。五緯、即五星。  
○又：丕震畏天命、雖休勿休。(集103下、標75)  
書呂刑。雖畏勿畏、雖休勿休。

○又：卜之守龜。(集103下、標75)

左傳昭公五年。卜之以守龜。

○裴注：臣松之以為禮天子以春分朝日、秋分夕月。(集106下、標77)  
周禮春官典瑞鄭注。天子常春分朝日、秋分夕月。

○裴注引魏書載詔：昔漢祖以秦中為國本、光武恃河內為王基。(集107上、標77)

後漢書寇恂傳。光武謂恂曰、河內完富、吾將因是而起。昔高祖留蕭何、鎮關中。吾今委公以河內。

魏志荀彧傳。彧曰、昔高祖保關中、光武據河內、皆深根固本以制天下。

○裴注引魏書：詔曰、夫先王制几杖之賜、所以賓禮黃耆、褒崇元老也。(集109上、標78)

禮記曲禮上。大夫七十而致事、若不得謝、則必賜之几杖。  
○又：昔孔光卓茂皆以淑德高年、受茲嘉錫。(集109上、標78)

其事見漢書孔光傳、後漢書卓茂傳。  
○又：年過七十、行不踰矩。(集109上、標78)

論語為政。七十而從心所欲、不踰矩。  
○裴注引魏書：上大笑曰、吾策之於帷幕之內、諸將奮擊於萬里之外。(集109下、標79)

漢書張良傳。運籌策帷幄中、決勝千里外。

○庚午、詔曰、十室之邑、必有忠信。(集110上、標79)  
論語公冶長。子曰、十室之邑、必有忠信如丘者焉。

○二月、鄩善・龜茲・于闐王各遣使奉獻。詔曰、西戎即敘、氏羌來王、詩書美之。(集110下、標79)

書禹貢。西戎即敘。

詩商頌殷武。昔有成湯、自彼氐姜、莫敢不來享、莫敢不來王、曰商是常。

○謂羣臣曰、苞原隰險阻而爲軍者、爲敵所禽。(集111上・下、標80)

孫子軍爭。不知山林險阻沮澤之形者、不能行軍。

○裴注引孫盛曰：然則坤道承天。(集111下、標81)

易坤卦文言。坤道其順乎、承天而時行。

○又：三從之禮、謂之至順。(集111下、標81)

儀禮喪服。婦人有三從之義、無專用之道。故未嫁從父、既嫁從夫、夫死從子。

○又：昔在申呂、實匡有周。(集111下、標81)

蔡邕楊司空碑銘：昔在申呂、匡佐周宣。

○又：外戚憑寵、職爲亂階。(集112上、標81)

詩小雅巧言。無舉無勇、職爲亂階。鄭箋云、職、主也。此人主爲亂作階、言亂由之來也。

○又：縱無王呂之難、豈乏田趙之禍乎。(集112上、標81)

王呂之難、謂王莽、呂氏也。

田趙之禍、謂田氏奪齊、趙氏分晉乎。

○作終制曰、禮、國君即位爲棨、存不忘亡也。(集112上、標81)

禮記檀弓上。君即位而爲棨。鄭注云、棨謂柩棺、親尸者。棨、堅

著之言也。

○裴注：臣松之按、禮、天子諸侯之棺、各有重數。(集112上、標82)

禮記檀弓上。天子之棺四重。鄭注云、諸公三重、諸侯再重、大夫一重、士不重。

○裴注引呂氏春秋(集112上、標82)

孟冬紀安死。

○夫葬也者、藏也、欲人之不得見也。(集112下、標81)

禮記檀弓上。國子高曰、葬也者、藏也。藏也者、欲人之弗得見也。

○宋公厚葬、君子謂華元樂莒不臣、以爲棄君於惡。(集113上、標81)

左傳成公二年。八月、宋文公卒、始厚葬、用屨炭、益車馬、始用殉、重器備、槨有四阿、棺有輪檜。君子謂華元樂舉於是乎不臣。臣治煩去惑者。是以伏死而爭。今二子者、君生則縱其惑、死又益其侈、是弄君於於惡也、何臣之爲。

其侈、是弄君於於惡也、何臣之爲。

○是焚如之刑。(集113上、標82)

漢書匈奴傳下。(王)莽作焚如之刑、燒陳良等。注云、應劭曰、易有焚如死如棄如之言、莽依此作刑名也。師古曰、易離卦九四爻辭也。

辭也。

○魂而有靈、無不之也。(集113下、標82)

禮記檀弓下。延陵季子適齊、於其反也、其長子死、葬於贏博之間。既封。左袒、右還其封、且號者三、曰、骨肉歸復于土、命也、若魂氣則無不之也、無不之也。

也、若魂氣則無不之也、無不之也。

○裴注引魏書載丙午詔：昔周武伐殷、旋師孟津。(集114上、標83)



史記周本紀。是時諸侯不期而會盟津者八百諸侯。諸侯皆曰、紂可伐矣。武王曰、女未知天命、未可也。乃還師歸。

○又：且成湯解三面之網、天下歸仁。(集114上、標83)

史記殷本紀。湯出、見野張網四面、祝曰、自天下四方、皆入吾網。

湯曰、嘻、盡之矣。乃去其三面。祝曰、欲左左、欲右右、不用命

乃入吾網。諸侯聞之曰、湯德至矣、及禽獸。

○裴注引魏書載癸酉詔：百姓無所措其手足。(集116上、標84)

論語子路。民無所措手足。

○裴注引魏書載帝於馬上為詩。(集117下、標85)

說詳於伊藤正文曹丕詩補注稿至廣陵於馬上作(神戶大學教養部紀

要「論集」25號)。

○裴注引孫盛曰：故天子七月而葬、同軌畢至。(集118下、標86)

左傳隱公元年之辭。

○又：昔華元厚葬、君子以為棄君於惡。(集118下、標86)

見前。

○又：郟城侯植為誅。

說詳於趙幼文曹植集校注卷二。

裴注引魏書：與素所敬者大理王朗書曰、唯立德揚名、可以不朽、其次

莫如著篇籍。(集120下、標88)

左傳襄公二十四年。太上有立德、其次有立功、其次有立言、雖久

不廢、此之謂不朽。

○又：常嘉漢文帝之為君、寬仁玄默、務欲以德化民。(集120下、標88)

『三國志集解』補(一)(今懸)

揚雄長楊賦。人君以玄默為神。

漢書刑法志。及孝文即位、躬脩玄默。

漢書文帝紀贊。專務以德化民。

○又：時文學諸儒、或以為孝文雖賢、其於聰明、通達國體、不如賈誼。

(集120下、標88)

漢書賈誼傳贊。劉向稱賈誼言三代與秦治亂之意、其論甚美、通達

國體、雖古之伊管、未能遠過也。

○又：帝由是著太宗論曰、昔有苗不賓、重華舞以干戚。(集120下、標

88)

書大禹謨。帝(舜)乃誕敷文德、舞干羽于兩階、七旬有苗格。

○又：尉佗稱帝、孝文撫以恩德。(集120下、標88)

漢書文帝紀贊。南越尉佗自立為帝、召貴佗兄弟、以德懷之、佗遂

稱臣。

○又：吳王不朝、錫之几杖、以撫其意。(集120下、標88)

漢書文帝紀贊。吳王詐病不朝、賜以几杖、群臣袁盎等諫說雖切、

常假借納用焉。

○又：乃弘三章之教、愷悌之化。(集120下、標88)

漢書刑法志。漢興、高祖初入關、約法三章、曰、殺人者死、傷人

者及盜抵罪。蠲削煩苛、兆民大說。

又。文帝除肉刑詔曰、今法有肉刑三、而茲不止、其咎安在、非乃

朕德之薄而教不明與。吾甚自愧。故夫訓道不純而愚民陷焉。詩

曰、愷悌君子、民之父母。今人有過、教未施而刑已加焉、或欲改

行爲善、而道亡繇至。朕甚憐之。

詩大雅洞酌。豈弟君子、民之父母。

○又：他日又從容言曰、顧我亦有所不取于漢文帝者三、殺薄昭、幸鄧通、慎天人衣不曳地、集上書囊爲帳帷。(集120下、標88)

漢書文帝紀。十年冬、將軍薄昭死。注云、鄭氏曰、昭殺漢使者、

文帝不忍加誅、使公卿從之飲酒、欲令自引分、昭不肯、使群臣喪

服往哭之、乃自殺。如淳曰、一說、昭與文帝博、不勝、當飲酒、

侍郎酌爲昭少、一侍郎遣呵之、時此郎下沐、昭使人殺之、是以文

帝使自殺。師古曰、外戚恩澤侯表云、坐殺漢使者、鄭說是也。

薄昭、文帝母薄太后之弟也。

漢書佞幸傳。鄧通、蜀郡南安人也。以濯船爲黃頭郎、文帝嘗夢欲

上天、不能、有一黃頭郎、推上天、顧見其衣尻帶後穿、覺而之漸

臺、以夢中陰目求推者郎、見鄧通、其衣後穿、夢中所見、召問其

名姓、姓鄧名通、鄧猶登也、文帝甚說、尊幸之。

漢書文帝紀贊。所幸慎夫人、衣不曳地、帷帳無文繡、以示敦朴。

漢書東方朔傳。孝文皇帝之時、集上書囊、以爲殿帷。

### 明帝紀第三

○太和元年春正月、郊祀武皇帝以配天、宗祀文皇帝於明堂以配上帝。

(集125下、標92)

孝經聖治章。昔者周公郊祀后稷以配天、宗祀文王於明堂以配上

帝。

○裴注引魏略：文帝與達書。……又曰、中夏無無狗吠之虞。(集126下、

標93)

漢書嚴安傳。嚴安上書曰、今中國無狗吠之警。

○裴注引魏書：帝曰、今者自來、既合兵書致人之術。(集128上、標94)

孫子虛實。故善戰者、致人而不致於人。

○又：知進而不知退。(集128上、標94)

易乾卦文言。亢之爲言、知進而不知退。

○裴注引魏略載帝露布天下並班告益州：亮反裘負薪。(集128上、標95)

史記晏嬰傳。越石父賢、在縲紲中。

正義。晏子春秋云、晏子之晉、至中牟、覩斃冠反裘負薪、息於

途側。

案現本晏子春秋內篇雜上及呂氏春秋觀世篇、新作芻。

○又：肌趾適履、刻肌傷骨。(集128上、標95)

後漢書荀淑附爽傳。對策陳便宜曰、傳曰、載趾適履、執云其愚。

文選卷二十曹植上黃躬應詔詩表。刻肌刻骨。

李善注。孝經鉤命決曰、削肌刻骨。

○又：朕惟率土莫非王臣。(集128下、標95)

詩小雅北山。率土之濱、莫非王臣。

○又：師之所處、荆棘生焉。(集128下、標95)

老子三十章。師之所處、荆棘生焉。

○裴注引孫盛：事亡猶存、祭如神在。(集131上、標97)

論語八佾。祭如在、祭神如神在。

○詔曰、協和萬國。(集132下、標98)  
書堯典。協和萬邦。

○裴注：魚豢曰、爲上者不虛授、處下者不虛受、然後外無伐檀之歎、內無尸素之刺、雍熙之美著、大平之律顯。(集135下、標101)

文選卷三十七曹植求自試表。故君無虛授、臣無虛受。虛授謂之謬舉、虛受謂之尸祿。詩之素餐所由作也。

李善注。王符潛夫論曰、故明主不敢以私授、忠臣不敢以虛受。

又。韓詩曰、何謂素餐、素者質也、人但有質朴而無治民之材、名曰素餐。尸祿者、頗有所知、善惡不言、默然不語、苟欲得祿而已、譬若尸矣。

漢書朱雲傳。今朝廷大臣、上不能匡正、下亡以益民、皆尸位素餐。

說苑至公。尸祿素餐、貪欲無厭。

詩魏風伐檀。彼君子兮、不素餐兮。

文選卷三張衡東京賦。上下共其雍熙。

李善注。尚書曰、黎民於變時雍。又曰、庶績咸熙。

○又：中正日昃。(集135下、標101)

漢書董仲舒傳。仲舒對曰、民日削月朘。

注。孟康曰、朘、音揠。謂轉裹取也。

○癸酉、詔曰、鞭作官刑、所以糾慢怠也。(集136上、標101)

書舜典。鞭作官刑。

孔傳。以作爲治官事之刑。

○裴注引獻帝傳：詔曰、仲尼盛稱堯舜巍巍蕩蕩之功者。(集136下、標

102)

論語泰伯。子曰、巍巍乎、舜禹之有天下也、而不與焉。

又。子曰、大哉、堯之爲君也。巍巍乎、唯天爲大、唯堯則之。蕩蕩乎、民無能民焉。巍巍乎、其有成功也。煥乎其有文章。

○又：山陽公深識天祿永終之運。(集136下、標102)

論語堯曰。天祿永終。

○又：昔放勳殂落、四海如喪考妣、過密八音。(集136下、標102)

書舜典。帝乃殂落、百姓如喪考妣、三載四海遏密八音。

○又：使太尉具以一太牢告祠文帝廟曰、觀聞夫禮也者、反本脩古、不忘厥初。(集136下、標102)

禮記禮器。禮也者、反本脩古、不忘其初者也。

○又：是以先代之君、尊尊親親、咸有尙焉。(集136下、標102)

禮記喪服小記。親親尊尊長長、男女之有別、人道之大者也。

○又：深觀曆數允在聖躬。(集136下、標102)

論語堯曰。天之曆數在爾躬。

○又：皇極攸建、允熙克讓。(集136下、標102)

書洪範。五皇極、皇建其有極。

書堯典。允恭克讓。

○又：蓋子以繼志嗣訓爲孝。(集136下、標102)

禮記中庸。夫孝者、善繼人之志、善述人之事者。

○又：贈冊曰、昔皇天降戾于漢。(集137上、標102)

書大誥。矧今天降戾于周邦。

○又：爰及文皇帝、齊聖廣淵。（集137上、標102）

書微子之命。乃祖成湯、克齊聖廣淵。

左傳文公十八年。齊聖廣淵、明允篤誠。

○又：柔遠能邇。（集137上、標102）

書舜典、顧命、文侯之命。柔遠能邇。

○又：度于軌儀、克厭帝心。（集137上下、標102）

國語周語下。帥象禹之功、度之於軌儀、莫非嘉績、克厭帝心。

章昭注。軌、道也。儀、法也。謂與四嶽也。克、能也。厭、合

也。帝、天也。

○又：幽贊神明（集137下、標102）

易說卦。昔者聖人之作易也、幽贊於神明而生蓍。

○又：蓋聞昔帝堯、元愷既舉、凶族未流、登舜百揆、然後百揆時序、

內平外成。（集137下、標102 103）

左傳文公十八年。舜臣堯、舉八愷、使主后土、以揆百事、莫不時

序、地平天成。舉八元、使希五教于四方、父義母慈兄友弟共子孝、

內平外成。

○又：念重光、紹咸池、繼韶夏。（集137下、標103）

書顧命。昔君文王武王宣重光。

孔傳。言昔先君文武、布其重光累聖之德。

釋文。重光、馬云、日月星也。

周禮春官大司樂。舞咸池以祭地示。

鄭注。咸池、堯樂也。

文選卷四十八司馬相如封禪文。繼韶夏。

繼、史記作續、漢書作繼、韶、史記·漢書並作昭。

王先謙漢書補注。昭韶通用。昭、舜樂。夏、禹樂。繼韶夏、謂

繼舜禹而起。

○又：可謂高朗令終。（集137下、標103）

詩大雅既醉。高朗令終。

○又：非夫漢魏與天地合德、與四時合信、動和民神、格于上下、其孰

能至於此乎。（集137下、標103）

易乾卦文言。夫大人者、與天地合其德、與四時合其序。

書堯典。光被四表、格于上下。

○帝不聽曰、地有所必爭也。（集139上、標103）

孫子九地、用兵之法、有爭地。我得則利、彼得亦利者、為爭地。

○裴注引魏略：太子舍人張茂乃上書諫曰、禮、賜君子小人不同日、所

以殊貴賤也。（集140下、標105）

禮記玉藻。凡賜、君子與小人不同日。

鄭注。慎於尊卑。

○又：夫君有天下而不得萬姓之懽心者。（集141上、標105）

孝經孝治章。故得百姓之懽心。

○又：陛下不兢兢業業。（集141上、標105）

書臯陶謨。兢兢業業。

孔傳。兢兢、戒慎。業業、危懼。

○裴注引魏書：甲子、詔曰、夫大極運三辰五星於上、元氣轉三統五行

於下，登降周旋，終則又始。(集143下，標108)

漢書律歷志上。大極運三辰五星於上，而元氣轉三統五行於下。

又。登降三統之首，周還五行之道也。

師古曰、還讀曰旋。

○又：故仲尼作春秋，於三微之月，每月稱王，以明三正迭相為首。

(集143下，標108)

後漢書章帝紀。元和三年秋七月庚子，詔曰，春秋於春每月書王

者，重三正、慎三微也。

李賢注。三正，謂天地人之正。所以有三者，由有三微之月。王

者所當奉而成之。禮記(後漢書集解。錢大昕曰，此禮三正記之

文、注脫三正二字。惠棟曰，此禮緯文、非禮記也)曰，正朔三

而改，文質再而微。三微者三正之始，萬物皆微，物色不同，故

王者取法焉。

○裴注臣松之按：禮記云、夏后氏尙黑云云。

檀弓上之文。

○又：易曰、白馬翰如。

賁卦六四之文。

○至於郊祀·迎氣·祔祠·蒸嘗·巡狩·蒐田、分至啓閉、班宣時令、

中氣早晚、敬授民事、皆以正歲斗建、為曆數之序。(集145上、標108)

漢書郊祀志上。郊祀后稷、以配天宗。

師古曰、郊祀、祀於郊也。

禮記月令。立春之日、天子親帥三公九卿諸侯大夫、以迎春於東郊。

『三國志集解』補(一)(今應)

立夏之日、天子親帥三公九卿大夫、以迎夏於南郊。立秋之日、天

子親帥三公九卿諸侯大夫、以迎秋於西郊。立冬之日、天子親帥三

公九卿大夫、以迎冬於北郊。

祔祠·蒸嘗、見集解。

書舜典。歲二月東巡守、至于岱宗、柴、望秩于山川、肆覲東后。

五月南巡守、至于南岳、如岱禮。八月西巡守、至于西岳、如初。

十有一月朔巡守、至于北岳、如西禮。五載一巡守、羣后四朝。

周禮夏官大司馬。遂以蒐田。

鄭注。春田為蒐。

左傳隱公五年。故春蒐夏苗秋獮冬狩。

公羊傳桓公四年。春曰苗、秋曰蒐、冬曰狩。

左傳僖公五年。凡分至啓閉、必書雲物、為備故也。

杜注。分、春秋分也。至、冬夏至也。啓、立春立夏。閉、立秋

立冬。

後漢書明帝紀。永平二年，詔驃騎將軍三公曰，其班時令，勅羣后。

李賢注。班、希也。時令、謂月令也。四時各有令。若有乖舛、

必致妖災。故告之。

左傳僖公五年。春王正月辛亥朔、日南至。

杜注。周正月、今十一月。冬至之日、日南極。

疏。冬至者、十一月之中氣。中氣者、月半之氣也。月朔而已得

中氣、是必前月閏。閏前之月、則中氣在晦。閏後之月、則中氣

在朔。閏者、聚殘餘分之月、其月無中氣、半屬前月、半屬後月。

是去年閏十二月十六日、已得此年正月朔大雪節。故此正月朔得多至也。

漢書魏相傳。奏之曰、故立羲和之官、以乘四時、節授民事。

師古曰、各依其節、而授以事。

周禮天官小宰。正歲帥治官之屬、而觀治象之變。

鄭注。正歲、謂夏之正月。得四時之正、以出教令者審也。

○裴注引孫盛。原始要終。（集146上、標109）

易繫辭傳下。原始要終。

○又：昔華樂以厚斂致譏。（集146上、標109）

左傳宣公二年。八月、宋文公卒。始厚葬、用屨炭、益車馬、始用殉、重器備、椁有四阿、棺有輪楹。君子謂華元。樂舉於是乎不臣。

臣治煩去惑者也。是以伏死而爭。今二子者、君生則縱其惑、死又益其侈。是弃君於惡也、何臣之爲。

○又：周人以豫凶違禮。（集146上、標109）

左傳隱公元年。秋七月、天王使宰咺來歸惠公仲子之賵、緩、且子氏未薨、故名。豫凶事、非禮也。

杜注。仲子在而來贈、故曰豫凶事。

○裴注引魏書載詔：古代之所更立者、遂有闕焉。（集147上、標110）

禮記祭法。七代之所更立者、禘郊宗祖、其餘不變也。

○裴注引魏略載司徒軍議掾河東董尋上書：孔子曰、君使臣以禮、臣事

君以忠。（集149上、標111）

論語八倍之文。

○又：故有君不君、臣不臣。（集149上、標111）

論語顏淵。信如君不君、臣不臣、父不父、子不子、雖有粟、吾得而食諸。

○裴注引魏名臣奏載散騎常侍何曾表：存不忘亡、聖達所戒。（集150上、標112）

標112）

易繫辭傳下。是故君子安而不忘危、存而不忘亡。

○裴注引魏書：帝容止可觀、望之儼然。（集153上、標115）

孝經聖治章。容止可觀。

論語子張。望之儼然。

○又：含垢藏疾。（集153上、標115）

左傳宣公十五年。山藪藏疾、國君含垢。

○裴注引孫盛。立髮垂地。（集153上、標115）

藝文類聚卷十六部引儲宮王隱晉書。立髮至地。

○評曰、聿脩顯祖。（集153下、標115）

詩大雅文王。無念爾祖、聿脩厥德。

毛傳。聿、述。

三少帝紀第四

齊王芳

○秋七月、詔曰、易稱損上益下、節以制度、不傷財、不害民。（集157

上、標119）

易益卦彖傳。益、損上益下、民說无疆。

又節卦象傳。天地節而四時成。節以制度、不傷財、不害民。

○裴注引干寶晉紀：宣王曰、軍志有之、將能而御之、此為廢軍。不能而任之、此為覆軍。(集157下、標119)

孫子謀攻。不知軍之不可以進而謂之進、不知軍之不可以退而謂之退、是謂糜軍。

曹公曰、糜、御也。

又：將能而君不御者勝。

案孫子十家註遺說云、傳曰、將能而君御之、則為廢軍。將不能而君委之、則為覆軍。

○秋八月戊申、詔曰、屬到市觀見所斥賣官奴婢。(集159下、標121)

史記貨殖傳。及糶斥賣。

索隱。斥賣、謂斥而賣之。

正義。斥、不用也。言盡賣也。

○或癰疾殘病、所謂天民之窮者也。(集159下、標121)

禮記王制。少而無父者、謂之孤。老而無子者、謂之獨。老而無妻者、謂之矜。老而無夫者、謂之寡。此四者、天民之窮而無告者也。

○裴注引習鑿齒漢晉春秋：袁淮言于爽曰、夫用兵者、貴以飽待飢、以逸擊勞、師不欲久、行不欲遠、守少則固、力專則彊。(集160上、標122)

孫子軍爭。以近待遠、以佚待勞、以飽待飢、此治力者也。

又作戰。夫兵久而國利者、未之有也。

又。兵貴勝、不貴久。

○裴注引漢晉春秋：諸葛誕言於司馬景王曰、致人而不致於人者、此之謂也。(集163下、標125)

孫子虛實。善戰者、致人而不致於人。

○裴注引習鑿齒：是楚再敗而晉再克也。(集164上、標125)

春秋僖公二十八年。夏四月己巳、晉侯·齊師·宋師·秦師、及楚人戰于城濮、楚師敗績。楚殺其大夫得臣。

又宣公十二年。夏六月乙卯、晉荀林父帥師、及楚子戰于郟、晉師敗績。

左傳。秋、晉師歸。桓子(荀林父)請死、晉侯(景公)欲許之。

士貞子諫曰、不可。城濮之役、晉師三日穀、文公猶有憂色。左右曰、有喜而憂、如有憂而喜乎。公曰、得臣猶在、憂未歇也。困獸猶鬪、況國相乎。及楚殺子玉(得臣)、公喜而後可知也。曰、莫

余毒也已。是晉再克而楚再敗也。楚是以再世不競。

○八月、詔曰、可謂殺身成仁、釋生取義者矣。(集165上、標126)

論語衛靈公。有殺身以成仁。孟子告子上。舍生而取義者也。

高貴鄉公鑿

○詔曰、以眇眇之身、託于王公之上。(集170下、標132)

漢書文帝紀。遣詔曰、以眇眇之身、託于天下君王之上。

○冬十月、詔曰、朕以寡德、不能式遏寇虛。(集172上、標133)  
詩大雅民勞。式遏寇虛。

鄭箋。式、用。退、止也。

○裴注引魏氏春秋：顛等對曰，夫天下重器，王者天授。（集173上、標

134）

史記伯夷傳。示天下重器、王者大統。

○又：帝曰、夏啓、周成、守文之盛。（集173上、標134）

史記外戚世家。繼體守文之君。

索隱。守文、猶守法也。謂非受命創制之君、但守先帝法度、爲之主耳。

○又：帝曰、且太上立德、其次立功。（集173下、標135）

左傳襄公四年。太上有立德、其次有立功。

○又：且夫仁者必有勇。（集173下、標135）

論語憲問。仁者必有勇。

○又：舊章不愆。（集173下、標135）

詩大雅假樂。不愆不忘、率由舊章。

○又：帝曰、億則屢中。（集173下、標135）

論語先進。億則屢中。

○丙辰、帝幸太學、問諸儒曰、聖人幽贊神明、仰觀俯察、始作八卦、

後聖重之爲六十四、立爻以極數。（集173下、標135 136）

易說卦。昔者聖人之作易也、幽贊於神明而作者。

又繫辭傳下。古者包犧氏之王天下也、仰則觀象於天、俯則觀法於

地、觀鳥獸之文與地之宜、近取諸身、遠取諸物、於是始作八卦。

又：八卦成列、象在其中、因而重之、爻在其中。

又繫辭傳上。極數知來之謂占。

○帝問曰、鄭玄曰、稽古同天、言堯同於天也。王肅云、堯順考古道而

行之。（集174下、標136）

書堯典孔傳。若、順。稽、考也。能順考古道而行之者帝堯。

疏。鄭玄信緯、訓稽爲同、訓古爲天。言能順天而行之、與之同

功。論語稱惟堯則天。詩美文王順帝之則。然則聖人之道、莫不同

天合德、豈待同天之語、然後得同之哉。書爲世教、當因之人事、

以人繫天、於義無取。且古之爲天、經無此訓。高貴鄉公皆以鄭爲

長、非篤論也。

○帝曰、仲尼言、唯天爲大、唯堯則之。（集174下、標137）

論語泰伯之文。

○帝又問曰、夫大人者、與天地合其德、與日月合其明。（集175上、標

137）

易乾卦文言之文。

○峻對曰、故禹曰、知人則哲、惟帝難之。（集175上、標137）

書皋陶謨。禹曰、吁、威若時。惟帝其難之、知人則哲、能官人。

○帝曰、夫有始有卒、其唯聖人。（集175上、標137）

論語子張。有始有卒者、其惟聖人乎。

○帝問曰、太上立德、其次務施報。（集175下、集138）

禮記曲禮上。太上貴德、其次務施報。

鄭注。太上、帝皇之世。其民施而不惟報。三王之世、禮始興焉。

○裴注引帝集載帝自敘始生禎祥：未能涉道、而遵大略、臨深履冰、涕



泗憂懼。(集176上、標138)

詩鄭風邶大路。邶大路兮。

詩小雅小旻。如臨深淵，如履薄冰。

○又：古人有云、懼則不亡。(集176上、標138)

左傳成公七年。君子曰、知懼如是、斯不亡矣。

○丙寅、詔曰、夫養老與教、三代所以樹風化、垂不朽也。必有三老五

更以至敬、乞言納誨、著在悼史。(集179上下、標142)

三代養老與教之事、見禮記王制及內則。

○裴注引漢晉春秋：祥對曰、夫大人者、行動乎天地、天且弗違、況於

人乎。(集179下、標142)

易乾卦文言。夫大人者、與天地合其德。先天而天弗違、後天而奉

天時。天且弗違、而況於人乎。

○裴注引漢晉春秋：帝曰、龍者、君德也。上不在天、下不在田、而數

屈於井、非嘉兆也。仍作潛龍之詩以自諷。(集180下、標143)

易乾卦。九二、見龍在田、利見大人、九五、飛龍在天、利見大人。

又文言。易曰、見龍在田、利見大人。君德也。

又。初九曰、潛龍勿用、何謂也。子曰、龍德而隱者也、不易乎世。

漢書五行志下之上。惠帝二年正月癸酉、且、有兩龍見於蘭陵廷東

里溫陵井中、至乙亥夜去。劉向以爲龍貴象、而困於庶人井中、象

諸侯將有幽執之禍。京房易傳曰、有德遭害、厥妖龍見井中。

案高貴陳留之間、龍仍見井中。凡十、如下。高貴鄉公正元元年多十

月戊戌、黃龍見于鄴井中。甘露元年春正月辛丑、青龍見軹縣井中。

五月乙丑、青龍見元城縣界井中。二年春二月、青龍見溫縣井中。

三年、是歲、青龍黃龍仍見頓丘·冠軍·陽夏縣界井中。四年春正

月、黃龍二見寧陵縣界井中。陳留王景元元年十二月甲申、黃龍見

華陰縣井中。三年春二月、青龍見于軹縣井中。

○裴注引魏氏春秋：是可忍也、孰不可忍也。(集182上、標145)

論語八佾之文。

○皇太后令曰、吾以不德、遭家不造。(集182下、標143)

詩周頌閔予小子。遭家不造。

毛傳。造、爲。

鄭箋。造、猶成也。

○裴注臣松之以爲：斯蓋惡之過言、所謂不如是之甚者。(集183下、標

146)

論語子張。子貢曰、紂之不善、不如是之甚也。

○太后詔曰、夫有功不隱、周易大義、成人之美、古賢所尚。(集183下、

標146)

易繫辭傳上。有功則可大。

荀子不苟。君子崇人之德、揚人之美。

○臣聞人臣之節、有死無二、事上之義、不敢逃難。(集183下、標146)

左傳僖公十五年。有死無二。

又襄公三年。事君不辟難。

○太后詔曰、夫五刑之罪、莫大於不孝。(集184上、標147)

周禮秋官大司寇。以五刑糾萬民。三曰鄉刑、上德糾孝。

陳留王奐

○冬十月丁亥、詔曰、靜亂濟世、保大定功。（集189上、標152）

左傳宣公十二年。夫武禁暴戢兵、保大定功。

○十二月壬戌、天祿永終、曆數在晉。（集192上、標154）

論語堯曰。天之曆數在爾躬、允執其中、四海困窮、天祿永終。

評

○古者以天下爲公、唯賢是與。（集192下、標154）

禮記禮運。大道之行也、天下爲公、選賢與能。

○後代世位、立子以適。（集192下、標154）

公羊傳隱公元年。立適以長、不以賢。立子以貴、不以長。